

河南洛陽縣志

清嘉慶十八年

陸繼輅魏襄同纂

五
24/12

412.110.58

24/12

351

10216

清
嘉
慶
洛
陽
縣
志

中華民國
辛未十二月
印

洛陽縣志目錄序

- | | | | | | | | | | |
|-----|-----|-----|-----|-----|------|------|------|-----|-----|
| 第一 | 第二 | 第三 | 第四 | 第五 | 第六 | 第七 | 第八 | 第九 | 第十 |
| 皇德記 | 巡幸記 | 沿革記 | 星象記 | 輿圖記 | 土地記一 | 土地記二 | 土地記三 | 山川記 | 帝王記 |

清嘉慶洛陽縣志

目錄

- | | | | | | | | | | | |
|-----|-----|-----|-----|-----|-----|-----|------|------|------|------|
| 第十一 | 第十二 | 第十三 | 第十四 | 第十五 | 第十六 | 第十七 | 第十八 | 第十九 | 第二十 | 第二十一 |
| 后妃記 | 大事記 | 拾遺記 | 格言記 | 旌異記 | 宮殿記 | 壇廟記 | 冢墓記一 | 冢墓記二 | 冢墓記三 | 冢墓記四 |



第二十二	加藍記
第二十三	名園記
第二十四	風土記
第二十五	物產記
第二十六	職官表一
第二十七	職官表二
第二十八	職官表三
第二十九	選舉表一
第三十	選舉表二
第三十一	官品表
第三十二	官階表

第三十三	戶口簿
第三十四	會計簿
第三十五	靈徵志
第三十六	學校志
第三十七	溝洫志
第三十八	第宅志
第三十九	衙署志
第四十	營建志
第四十一	異物志
第四十二	經籍志
第四十三	儒林傳

第四十四	道學傳
第四十五	名臣傳
第四十六	忠節傳
第四十七	孝義傳
第四十八	文苑傳
第四十九	武功傳
第五十	良政傳
第五十一	逸民傳
第五十二	藝術傳
第五十三	二氏傳
第五十四	循吏傳

第五十五	厲公傳
第五十六	列女傳一
第五十七	列女傳二
第五十八	列女傳三
第五十九	金石錄
第六十	序錄

序曰周禮土訓誦訓先王設其官使道地圖以詔地事道方志以詔觀事此郡國圖志所由昉與春秋諸國多有志類皆記載前言往行其詳不可得聞而斯體也祖述沿襲至于今不廢夫爾雅之士咨于故實以惇勸民行用咸和庶政其為益蓋不小是以

國家立之禮官著于憲典今之為志其體不一或倣郡國圖經或沿史例要鮮折中竊嘗以為郡縣之志當用史法而變通之史有表志所以志山川風土政教因革之大有列傳所以志賢臣良士孝子貞女之行至完具也圖經則所主者地理一家其旁及古今之蹟人民故族不過供詞人學士擗採梗概非所重也故為志者獨于地理得循用圖經之例他則當專用史法蓋志之異于史者書美而不書惡識大而不遺小而蒐討掌故褒揚哲義古外史之流不可忽也方今省志采于府志府志采于州縣志故州縣志尤宜慎而為之而天下州縣戶口土田賦課之多寡所在或當通衢或僻處山海多

有不同而俗因有淳漓而政因有繁簡而言之因有詳畧其宜畧焉者實得實而已無取乎穿鑿侈陳也其宜詳焉者則務明備不患不得其實而患記載之不盡所有此志體之雖同用史法而詳畧之宜又有因乎其地而不同者焉余前令永寧永寧地僻冠蓋巨賈富商所不至其民不炫于利故其求利不奢不震于功名故常安分而鮮踰越故長斯土者亦因而簡其治今來洛陽則不然土宜相似而勤惰弗可壹學校相似而華實弗可齊政教亦相似而繁簡弗可等蓋洛陽自三代漢晉以來舊為國都官府所萃止商賈所占集有不同于他州縣者今河南布政使司雖治開封而洛陽猶當車馬

之衡為河南一大都會則治之不能一出于簡豈所謂因乎其地者非耶然則志斯縣者其能不從夫詳以務明備以盡記載耶且夫臚掌故褒哲義可以斟酌前訓推見至隱行善而備敗以資于治道而求合于古先王之用心其為之又可不慎耶舊志亦雜用史法而詳畧之宜蓋未盡善茲乃別為體例續以近若干年之事屬陽湖陸君總其事而重修之書成凡為記二十表四簿二志八傳十四錄二而斯縣之故實于是乎詳記載于是乎備矣惟麗藻一門因辭章繁富恐卷帙過多長官至境難于呈閱別輯洛下徵文錄如千卷與志相轉而行陸君名繼輅字祁生余庚申同歲生其文足傳者嘉

慶十八年八月進士出身奉直大夫河南洛陽縣知縣加三級又卓異加一級武進魏襄謨

附校勘採訪諸君姓名

原任河南府教授候選知縣	延津申庭桂
署河南府教授候選教諭	祥符劉 聰
河南府	訓
洛陽縣	教
洛陽縣	訓
署洛陽縣丞候補布政使司都事甘肅王濬生	導汝寧陳 森
洛陽縣	典
舉	史宛平李家茂
	人陽湖賈鵬程

舉 候 候 監

選 選

縣 縣

人陽湖錢相初

丞陽湖蔣維時

丞山陰王秉仁

生武進魏德音

陽湖楊佑森

陽湖錢均

無錫施椿齡

陽湖蔣學沂

陽湖陸輯應

陽湖莊受

武進魏秉

清嘉慶洛陽縣志

銜名

六

吏部考工司主事前翰林院庶吉士縣人張 輔

工 部 屯 田 司 主 事縣人戴榮恩

舉 選 拔 貢 人縣人董 哲

候 選 訓 生縣人盧象南

生 選 訓 導縣人呂又誨

員縣人魏炳然

右校勘

誥封奉直大夫工部屯田司主事加一級縣人戴 禮

候 選 主 事縣人朱銓成

原 任 江 南 五 河 縣 知 縣縣人王丙耀

進 士縣人郭階平

舉 舉 副 歲 生

榜

貢

貢

人縣人韓原道
 人縣人李文蔚
 生縣人劉松高
 生縣人喬繼志
 員縣人郭措繁
 縣人張肅珽
 縣人潘崑山
 縣人韓繼黎
 縣人郭炳若
 縣人戴世德
 縣人李九標

清嘉慶洛陽縣志

衡名

七

工 部 屯 司 主 事 縣 人 戴 榮 恩

部 屯 司

主 事

縣 人 戴 榮 恩

舉

選

拔

貢

人縣人董哲

生縣人盧象南

導縣人呂又誨

員縣人魏炳然

生

選

訓

右校勘

誥封奉直大夫工部屯田司主事加一級縣人戴禮

候

選

主

事縣人朱銓成

原

任江南

五

河縣

知

縣縣人王丙耀

進

士縣人郭階平

洛陽縣志卷一

洛陽縣知事曾炳章重校印

清舉人陸繼輅同纂

清洛陽縣知縣魏襄

皇德記

乾隆十年奉

上諭我朝

列聖相承深仁厚澤無時不加工意培養元元以期家給人足百年以來薄海內外物阜民康共享昇平之福朕臨御天下十年于茲撫育蒸黎民依念切躬行儉約薄賦輕徭孜孜于保治之謨不敢稍有暇逸常守節用愛人之訓凡以為民也今震宇救寧既鮮糜費之端亦無

清嘉慶洛陽縣志

卷一

一

兵役之耗所有解部錢糧原為八旗官兵及京員俸餉之所共需計其所給較宋時養兵之費猶不及十之一二至于各處工程為利民之舉者亦祇取給于存公銀兩即朕偶有巡幸賞賚所頒亦屬無幾是以帑藏尚有餘積數年來直省偶有水旱朕加恩賑濟多在常格之外如前年江南被水撫綏安插計費帑金千餘萬兩凡此皆因災傷補救而沛恩澤者朕恩海宇乂安民氣和樂持盈保泰莫先于足民況天下之財止有此數不聚于上即散于下仰惟我皇祖在位六十一年蠲租賜復之詔史不絕書又曾特頒

恩旨將天下錢糧普免一次我
皇考肝食宵衣勤求民瘼無日不下減賦寬徵之令如
甘肅一省全行豁免者十有餘年此中外所共知者朕
以繼志述事之心際重熙累洽之候欲使海澨山陬一
民一物無不均沾大澤為是特降諭旨將乾隆丙庚年
直省應徵錢糧通行蠲免其如何辦理之處着大學士
會同該部即速定議具奏欽此

乾隆十一年奉

上諭朕愛育黎元格外加恩將各省錢糧普免一次以
為休養萬民之計經大臣等酌議國家每年一定之經
費皆取資于正賦應將各省分作三年蠲免則經費有

賴而先後之間萬民均沾膏澤至於耗羨乃有司養廉
及辦理公務之所必需應令照舊輸納朕已允行今思
朕之逾格蠲免天下正賦者所以藏富于民且使閭閻
之間終歲不聞催科之聲也今正賦既蠲而耗羨又令
完納是官民仍有交關猶不免追呼之擾不若將蠲賦
之年應徵耗羨一併緩至開徵年按數完納使小民于
交關之日完此此項不必兩次伺候于公庭亦體恤民
情之意着該部即遵諭行並將公用不敷之處作何撥
抵酌議辦理各省督撫當量率有司善為之勿因此又
別生弊端也欽此

乾隆十五年奉

上諭朕巡幸嵩洛一切供頓皆動用正項絲毫不可累民惟念安營除道未免有資民力直隸所經之地現已降旨照例蠲除所有河南經過地方著加恩蠲免錢糧十分之三該部即遵諭辦理務使小民得沾實惠欽此又奉

上諭朕臨幸河南蠲租肆赦業經次第舉行而優恤高年亦應一體加恩著督撫查明經過州縣內男婦年七十以上者照前恩詔之例分別賞賚欽此又奉

上諭朕巡洛祠嵩甫經豐樂鎮即已降旨蠲免經過州縣錢糧十分之三其地年底順成是以照例蠲除數日

所過州縣體察農功夏麥告豐晚禾覺歉來年播種亦復待時甚為軫念其歉收之處著加恩統前蠲免十分之五令該撫詳悉查明分別辦理該部即遵諭行欽此乾隆三十年奉

上諭朕統御萬方孜孜求治惟以愛育黎元為念自御極以來蠲賜所逮不下千億萬計乾隆十年曾恭依皇祖普免直省錢糧恩例蠲除天下額徵正賦二千八百萬有奇期斯民家給人足咸臻樂利惟歲運漕米向以供給俸餉廩糈之用非水旱特蠲例不普免夫八政以食為先閭閻蓋藏尤資鏡裕恭閱皇祖實錄康熙三十年

特頒恩旨將各省起運漕糧通行蠲免一週大澤均沾
慶逾常格仰惟

皇祖冲齡踐祚臨御之三十年春秋未及四十朕年二
十有五始登大寶膺祺受祉迄今亦閱三十年際
重熙累洽之會必世昌期均符泰運其為慶幸倍深茲
荷蒙

上天眷佑

列祖鴻休函夏謐寧疆宇式闢北庭西域二萬餘里咸
隸版圖外有耕屯之獲內無餽餉之勞且連歲年穀順
成庶物豐殖京通倉貯儘有餘粟

天既誕貽樂歲惠洽昇平朕自當仰體

天心以推恩黎庶是用敬承

嘉貺懋繼

前謨使薄海億兆並裕倉箱之慶所有湖廣江西浙江
江蘇安徽河南山東應輸漕米着照康熙年間之例于
乾隆三十一年為始按年分省通行蠲免一次其江寧
京口杭州荊州等處駐防地方該省漕米既蠲所有估
需兵食如何預為籌辦並各該省蠲免次第應行酌辦
各事宜着該部速行定議具奏欽此

乾隆三十一年奏

上諭前於乾隆十一年通行蠲免直省應徵錢糧曾令
各督撫轉飭州縣官勸諭有田之家酌減佃戶租糧使

之均沾惠澤上年春初朕特沛恩施降旨各省起運漕糧分年蠲免一週俾薄海農氓共叨樂利在有田業戶于輸蠲漕米之年已得倍裕蓋藉而佃戶等尚未一體仰邀曠典著各省督撫屆輸蠲免年分通行曉諭各業戶等照每畝應蠲漕米數內亦令佃戶免交一半務期愷澤均敷使納糧力穡之人倉箱並資盈阜該部遵諭即行欽此

乾隆三十五年奉

上諭豫省地丁錢糧本年屆輸免之期業經全行蠲免俾閭閻共享樂利第念正賦固已蠲除此外尚有隨漕并舡料等項銀兩不在應蠲之例但零星徵取小民輸

納既難且仍不免追呼之事著再加恩將該省本年額徵漕項銀十一萬八千餘兩又歸德府屬之商邱寧陵永城鹿邑虞城夏邑等六縣本年地丁項下改解山東舡料銀一千六百八十七兩零俱緩至次年徵收所有應行需用給解之項即令該撫酌量借項動撥仍俟來年補徵後歸還該部即遵諭行欽此

乾隆四十二年奉

上諭前因

聖母萬壽特宏錫類之仁普蠲各直省錢糧以昭慶惠朕本欲俟恭祝

聖母九旬萬壽之年再溥恩施一次茲者

仙馭升遐此後更無可推廣
慈仁之處現在部庫帑項又積至七千餘萬着再加恩
自戊戌年為始普蠲天下錢糧仍分三年輪免俾寰宇
億兆人民仍得其被
慈恩永申感慕而朕終天罔極之忱雖不能仰酬萬一
庶幾藉茲稍展其如何輪派年分着戶部即速悉心核
奏遵行欽此

乾隆四十三年奉

上諭豫省開封彰德衛輝懷慶河南五府屬上年秋冬
雨雪缺少種麥既遲收成不無少減現已疊渥春膏農
民自可及時播種但當青黃不接之時若將本年應徵

錢糧照例開徵民力不無拮据着加恩將開封等五府
屬州縣本年新徵錢糧緩至麥後徵收于農民生計更
為有益着交榮柱妥協辦理俾窮黎均沾實惠該部即
遵諭速行欽此

又奉

上諭豫省自去秋至今雨澤稀少現在已交夏令即甘
霖早晚霑沛止可趕種秋稼二麥已難望有收業經疊
沛恩施令該撫加意撫恤但被旱畧久民食不免稍艱
其開封等五府應徵本年錢糧雖經降旨停緩但秋後
仍須輸納民力究不免拮据莫若將該省乾隆四十五
年輪免錢糧即于本年先行蠲免其迤南各府州現已

徵收者即作為明年正供在被旱之五府屬貧黎既得免追呼即有收之各府屬亦可以其有餘供款區糴買以資接濟該撫務董率所屬實心經理毋使吏胥從中滋弊以副朕軫念民生之至意該部即遵諭行欽此
乾隆四十四年奉

上諭豫省自上年麥秋歉薄節經降旨將開封等府州錢糧倉穀分別緩徵並將乾隆四十五年豫省應行輪免之錢糧即改於四十三年

黃河漫口被災較重朕軫念災黎截漕發帑賑恤撫緩新春又加恩展賑自可不致失所第念目今已屆開征之期而儀考漫口屢冲不免復有被淹之處其麥收不

無歉薄即未經被災地方亦有出夫辦料之事小民踴躍急公均屬可嘉着再加恩將該省應徵乾隆四十四年分地丁錢糧無論已未被災地方概行緩至來年秋後開徵以舒民力該撫務督率所屬妥協辦理務使窮簷均沾愷澤副朕加恩無已至意該部遵諭速行欽此
乾隆四十八年奉

上諭據李世傑奏豫省堵築青龍崗漫工及築堤濬渠歷次酌增夫料價銀九百四十五萬三千九百餘兩請分作三十年攤徵以舒民力一摺豫省自辦理大工以來歷次部撥及動用司庫銀千餘萬兩無非為百姓保護田廬輯寧家室所有採辦物料雇募人夫俱于例價

之外寬裕給值俾小民踴躍趨事以期迅速藏工其例價外酌增銀兩自應分年均攤帶徵還欸在百姓等依限輸將亦屬分內之事但此次為數甚多而上次漫土案內又尚有攤徵未完銀九十餘萬兩若按年帶徵民力未免拮据朕自御極以來勤恤民依覃敷愷澤普免天下地丁錢糧者三次普免各省漕糧者二次不惜萬萬帑金俾閭閻共臻康阜又何靳此千餘萬庫項而令小民每于正賦之外多此徵輸耶况現在仰荷上天孚佑大工告歲自應廣澤推仁與斯民咸慶盈寧之福所有此次該撫等所請分年攤徵銀九百四十五萬三千九百二十餘兩及上次攤徵未完銀九十四萬

五千餘兩俱着加恩普行豁免以仰答

昊蒼嘉貺並示朕惠愛黎元為民藏富至意該撫其通行曉諭茅簷節屋咸使聞知均沾實惠毋任不肖官吏從中滋弊該部遵諭速行欽此

乾隆五十五年奉

上諭朕賴

昊蒼眷佑既逾古稀復閱八袞幸得小康時懷大暢自乾隆十年以迄四十二年特布恩綸普免天下錢糧業經三次矣今歲屆朕八旬壽辰仰荷

天祖貽庥率土稱慶以至梯航重譯祝嘏來庭從古史牒